

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Brevicvlvs Selectarvm Qvaestionvm Regvlarivm

Bonagratia <von Habsheim>

Friburgi Brisgoiae, 1662

Visitator regvlaris

[urn:nbn:de:bsz:31-160608](https://nbn-resolving.org/urn:nbn:de:bsz:31-160608)

VISITATOR RE-
GULARIS.

444. **V**isitator Regularis est Superior ordinarius vel delegatus, qui circa Regimen Monasteriorum & vitam personarum Regularium inquisitionem facit, ut obseruantiam obligationum, iuxta cuiusque personæ ac rei exigentiam, ubi adhuc viget, conseruet, & ubi deficit, in statum pristinum restituat.

445. Incumbit Visitatio maximè Prælati & Superioribus

Visitator Regularis. 361

ribus Ordinum, qui subditos
habent ordinariâ potestate
sibi subiectos; nostro qui-
dem P. Generali, vt officij
sui tempore cunctas Provin-
cias, & si fieri potest, omnia
Monasteria suâ præsentia vi-
sitet, aut saltem vniuersos
fratres videre contendat;
Prouincialibus autem, vt
cunctos Prouinciæ conuen-
tus & fratres, bis in anno vi-
sitet; vel ultra montes, semel
spatio nouë mensium. 446.
Pluries tandem eundem eti-
am conuentum in anno visi-
tare omnino licet. 447. V-

M 6 trum

362 *Visitator Regularis.*

trùm subditi possint impe-
trare Visitatorem cōtra Præ-
latos, vid. Peyrin. 10. 1. de

Relig. Subd. q. 1. c. 28. §. 1.

448.

Quam & quantam
potestatem habeant nostri
Visitatores ordinarij, puta,
Generalis & Prouinciales,
cognoscere licet propriis lo-
cis *V. Index. V. Prælati. V.*
Prouincialis. Aliorum, pen-
det ex voluntate illorum, à
quibus auctoritatem visita-
ndi accipiunt, & in litteris
Commissionis exprimunt,
in quibus si restricta sit & li-
mitata, non possunt ultra
illam

Regularis **Viscator Regularis.** 363

illam aliquid agere. 449. Si autem sit cum plena potestate, poterunt facere quicquid jure vel consuetudine Religionis receptum est. Unde facere non poterunt, etiã positã prædictã Clausulã, *Plenitudinis. Potestatis*, eaque jure vel consuetudine ordinum solis Generalibus vel personaliter competunt, aut Capitulo Generali seu Prouinciali, *de quibus Vide V. Prouincialis.* 450. Facultas, quæ apud nos communi stylo Visicatoribus Generalibus dari solet, est omni-

M 7

moda

364 *Visitator Regularis.*

moda in utroque foro, visitandi, monendi, corrigendi, puniendi, ligandi & absolvendi, etiam in casibus reservatis, Dispensandi super Irregularitatibus, per Censuras Ecclesiasticas & alias poenas coercendi & compellendi etiam per carceres, si opus fuerit, Suscipiendi Novitios, Causas cognoscendi & terminandi, &c.

451. Qualiscunque Visitator, quantumcunq; suspectus sit, recusari aut impediri nequit, ne visitet ex officio, *Visitatione Generali.* Quia tamen

tamen potest modus excedi,
aut ab Inquisitione Generali
aliquando ad particularem
procedendum est, licita est
nonnunquam recusatio Vi-
sitoris, in casu raro, quan-
do constat certò & evidenter
iniquè se gerere aut vel-
le gerere contra bonam fa-
mam & opinionem alicu-
ius Religiosi; maxime verò
si concernat integram Com-
munitatem. Qui verò Iudicè
recusare voluerit, coram eo-
dè, suspicionis causam prob-
abilem atque rationabilem
in scriptis proponere debet.
Quòd si dubia causa recusa-
tionis

MS

tionis

tionis huiusmodi sit, recusatus Iudex de illa cognoscere minimè poterit; sed eo casu aduersarius aut Iudex ipse unum, recusans verò alterum, viros probos, atque peritos eligere debent, qui arbitri sic electi de huiusmodi causa, probabilisne sit, ideòque vel admittenda vel reijcienda, diiudicabunt; & si discordes illos inter se esse contigerit, tertium eligant ipsimet, & quod ex ipsis duo iudicauerint, robur obtineat firmitatis. Causâ probatâ, de recusantis consensu idoneæ Personæ rem recusatus committat

Regularis. **Visitator Regularis.** 367

mittat vel ad superiorem, ipsum recusantem transmittat. Non Probatâ verò, suâ Iudex vtatur Iurisdictione, causamq; inceptâ prosequatur.

452. Tempore Visitationis totum Regimen externū contentiosum Prouinciæ vel Conuentûs pertinet ad Visitatorem, non ad Prouincialem, aut Prælatum loci. 453. Possunt autem Prouinciales, durante Visitatione & sui Syndicatione, exercere vt plurimum, Iurisdictionem voluntariam cum subditis, maxime in spiritualibus v.g.

M^o absoluere

368 *Visitator Regularis.*

absoluere subditum à reser-
uatis, vel delegare authori-
tatem vt absoluatur, absol-
uere à censuris in foro con-
scientiæ, dispensare in votis,
Irregularitatibus &c.

454. Prouincialis ab of-
ficio deponi vel omni Iurif-
dictione priuari tempore Vi-
sitationis nequit, nisi per
sententiã. 455. multo minus
subijci alicui Guardiano. 456.
quod si violẽter eiusmodi at-
tẽtet visitator, potest nõ solũ
legitimẽ Prouincialis illi re-
sistere vel etiam excipere re-
cusando talem Visitatorem,

verum

Visitator Regularis. 369

verum etiam debet. 457. Si
minis & censuris urgeatur
Prouincialis à Visitatore, cū
timor excommunicationis
æquiparetur timori cadenti
in virum constantem, in tali
casu melius est obedire. Ne-
quid verò inde patiatur ipse
vel communitas, potest in-
terponi Protestatio, quam si
vel ore factam vel scripto, re-
ijciat, faciátque eodem me-
tu à protestante rursus cas-
sari, licet idcirco videatur à
Protestatione recessisse, ma-
ximè si nō repetat, in omni-
bus inualidū erit, quicquid
hoc modo extorquebitur.

370 *Visitator Regularis.*

458. Visitatores Generales, sicut ipsi, secundum Ordinis Constitutiones, nequeunt eligi Prouinciales in Prouincijs, quas visitant; Ita nec Socijeorum aut Consultores fieri possunt Custodes ad Capitulum Generale.

459. Si P. Generalis vel etiam Prouincialis, postquam instituit aliquem Visitatorem vel etiam Vicariũ, moriatur, vel ab officio deponatur, potest nihilominus Vicarius vel Visitator in sua Visitatione procedere, quando res amplius non est integra, secus autem, si sit adhuc

Visitator Regularis. 371

adhuc integra, vt si necdum
facta sit publicatio litterarū
Commissionis.

460. Prouincialis, etsi vi-
sitare nequeat super Casibus
definitis aut visitatis à Gene-
rali, post discessum tamen
Visitatoris, potest non solū
ordinariam suam Visitatio-
nem facere & super alijs casu-
bus secutis à tempore Visita-
tionis inquirere, verum etiā
si substantiale quid de nouo
emerferit, casum relictū in-
decisum ob defectum proba-
tionum ordinariā authori-
tate definire.

461.

372 *Visitator Regularis.*

461. Visitatores in singulis domibus Religionis absolutâ Visitatione, possunt Religiosis illius Conventus concedere Benedictionem & Indulgentiâ plenariam, absolueri ac dispensare &c. 462. Proderitque talis absolutio, vel dispensatio, non solum pro censuris & Irregularitatibus dubijs & oblitis, verum etiam certis & manifestis, occultis tamen ac in foro conscientiae. Quare valebit etiam ad rehabilitandum in casibus *V. Electio n. 168. & V. Penâ. n. 371.*

VOTVM.